


E storia di Grot di Lourdes na Sero Preto, San Nicolas



Cave of Lourdes - Aruba

photo. Hans W. Hannau

Na Sero Preto na e parti noordoost di San Nicolas tabatin un pos di awa cu hopi di hende di antes tabata bay busca awa pa uso na cas. Un poco mas panort bo ta haya un luga di debucion cu yama Grot di Lourdes.

Dia 11 di februari 1958 Aruba a celebra e aparicion di La Virgen Maria na Lourdes, Francia. Pastoor Erkamp cu tabata e pastoor na San Nicolas na e ocasion aki, a bin cu e idea pa tambe pone un estatua di Maria den un grot na Sero Preto. Asina tambe e grot di Lourdes aki a wordo crea bou guia di Pastoor Erkamp y parokianonan na año 1958. Un estatua cu a pisa 700 kilo a wordo lanta y poni den e grot cu a haya e nomber Grot di Lourdes. Un año despues e estatua a wordo bendiciona pa Mgr. Holterman, Obispo di Willemstad.

Di dia cu Mgr. Holterman a bendiciona a grot aki, el a bira un luga pa hopi oracion. Hopi hende ta bin pa cende un bela y haci oracion pa nan defuntonan. Un luga sigur basta bishita pa nos parokianonan pero tambe nos turistanan cu tur dia ta bin pa asina mira e birgen y haci oracion y peticion na nos Mama Maria.

Tin un comision cu ta traha duro pa sina mantene e luga aki constantemente den bon condicion y pastoor di parokia San Nicolas semper ta celebra un santo sacrificio di misa riba e ultimo Diasabra di luna na e grot aki pa 7'or di mainta, mei mei di e naturalesa Riba e dia di conmemoracion mes, esaki ta

- 2 -

wordo presidi pa un procesion cu ta sali for di misa Santa Theresita for di unda ta carga e birgen na man cu canto y oracion te na e grot Pa esnan cu no por subi e trapinan pa bay ariba na e grot pa sigui e santo sacrificio di misa, tin stoelnan abou pa nan tambe pr sinta y sigui e misa.

Un luga cu bo por bay haci bo oracion of peticion den tur trankilidad y den un ambiente di puro naturalesa.

Dufi Kock

Escritor y Historiado

Savaneta 125-F

Tel: 584-1201

Cel: 592-9417

dufikock@gmail.com

Lid in de Orde van Oranje Nassau 2006